

太上洞玄靈寶五帝醮祭招真玉訣

道言 靈寶赤書五篇真文 篇鎮一方 皆元始自然之書 五老與五帝侍衛 五方靈官紀錄 禁限一年三開 眾仙度真 玄科舊典 上宮諸真人 及五嶽神仙 三年一奉靈寶五帝靈官 散花燃燈 香湯甘果 上獻天真 以存靈氣 後學常能爾者 則靈寶五帝 感乎精誠 五方靈官當之喜欣 凡禮無濃薄 意從中來 苟有至情人神感焉 故書其品戒 祕而修行

舊典降致靈寶五帝靈官法 春以用甲寅 乙卯 夏用丁巳 丙午 季用戊辰 戊戌 己未 己丑 秋用庚申 辛酉 冬用癸亥 壬子 建王之日 於靈嶽作高壇 四方欄纂 東西南北王上 用五門 安五榜也 榜依別文 在大盟儀中

安五門畢 當四面安障 勿令當風 使火光氣亂 每令火氣密 勿令廣照 使靈氣散也 敷一五尺淨席 隨節安之 春則向東方也

每以名香淨茶 棗湯鮮果 潔淨法座 隨豐珍之 宜用淨杯十枚 杓令新好 杓三枚 皆令精潔 二杓各盛五杯 其一杓盛一

太上洞玄靈寶五帝醮祭招真玉訣

清微藏書閣

杯 一杓在五杯杓者下流 比五香火 相次於杓前 果亦三杓如之 餘湯即別器 請著前 列南和丹繒五尺絳紋繒也 於案 上清靈寶五篇真文五符 割碧林之帛五尺 青紋繒也 覆真文符上 安著座後 令符處丹青中 以為落髮喻血之盟也 青以代髮 丹代喻血之盟誓 真人不傷神損德 故以代之也

香用五種 雜和之 香爐每令新好 相連安之 束帶跪請 每令徐聲下氣 天真密感而降 當朱書白銀刺上六枚

次請五帝眾仙靈官 安五香火之下

東方九氣青天安寶華林青靈始老君 蒼帝君 九氣天君 太上真王

青腰玉女 東鄉諸靈官 某帝真人某甲 再拜五香 稽首奉請

降青華元陽門

南方三氣丹天梵寶昌陽丹靈真老君 赤帝君 朱丹三氣天君 元氣

丈人 朱宮太丹玉女 南鄉諸靈官 某帝真人某甲 再拜五香 稽

首奉請 降洞陽太光門

中央元洞太帝之天玉寶元靈元老君 黃帝君 太帝真人 子丹黃庭

戊己 天倉玉女 中黃太帝官君 某帝真人某甲再拜五香 稽首奉

請 降元黃高晨門

西方七氣之天七寶金門皓靈皇老君 白帝君 明石七氣天君 太上

白素玉女 西鄉諸靈官 某帝真人某甲 再拜五香 稽首奉請 降

通陰全關門

北方五氣玄天洞陰朔單鬱絕五靈玄老君 黑帝君 玄滋五氣天君

太上靈君 夜光玉女 北鄉諸靈官 某帝真人 某甲再拜五香 稽

首奉請 降陰生廣靈門

九天眾靈五嶽靈山真人 江河四瀆三官九府諸靈官 地仙玉女 五

嶽飛仙諸仙官君 某帝真人 某甲再拜五香 稽首奉請 降元黃高

晨門

朱書五簡 安五香火下 讀簡畢 便請一帝 再拜 下簡以次

如法 後一簡 令在中央之右 送天官都畢 埋著中方 此玄都舊

典 不得儀式 則天真不降 誤兆被殃也

安簡畢 調聲自陳 某月某朔某日甲子 某州郡縣鄉里 某帝

先生某甲 年如千歲 以某年月某日 從某嶽先生真人 受 太上

靈寶五老真文自然赤書五篇符命 謹依大道玄都舊典科法 清齋沐

### 太上洞玄靈寶五帝醮祭招真玉訣

清微藏書閣

浴 香薰神室 奉請

五帝君 五帝靈官真人 神仙玉女 謹以名香 棗湯 甘果 表於

丹心 潔整身神 伺迎上皇天尊 請遣五體真官 三魂七魄 三宮

真人 上到九天之宮 三天之宮 五外之鄉 青芽之天 朱丹之天

太帝之天 中黃之天 明石之天 玄滋之天 八方五帝之庭 通

宣所啟 執齋奉禮 虛心注仰 願迴靈駕 暫降某郡縣鄉里中 臨

映丹誠 降五符真 歆饗微禮薄饌

畢 再拜伏地 良久乃起 長跪 取東方簡 讀文畢 下簡故

處 重請上神 奉降 東方靈威仰蒼帝君 青芽九氣天君 太上真

王 青腰玉女 東鄉諸靈官

次讀 南方簡如上法 奉降

南方赤燁弩赤帝君 朱丹三氣天君 元氣丈人 朱宮太丹玉女 南

鄉諸靈官

次讀 中央簡如上法 奉降

中央含樞紐黃帝君 太帝真人 子丹黃庭戊己 天倉玉女 中黃太

帝官君

次讀 西方簡如上法 奉降  
西方曜魄寶白帝君 明石七氣天君 太上白素玉女 西鄉諸靈官  
次讀 北方簡如上法 奉降  
北方隱侯局黑帝君 玄滋五氣天君 太上靈君 夜光玉女 北鄉諸靈官

次讀 眾靈簡如上法 奉降

九天眾靈 五嶽靈山真人 江河四瀆 三宮九府諸靈官 地仙玉女

五嶽飛仙神仙諸仙官君

右請五帝眾真六位 合十二拜

奉請天真畢 五過上湯炷香 而自陳啟 某以有幸 宿世因緣 九天之劫 轉及某身 遭遇明運 道法流行 得以穢身 參染靈文 五篇赤書五符寶經 自叨竊以來 尊仰上真 心希神仙 而精誠淺薄 未能感靈 常恐罪身沉頓囂穢 淪沒九泉 天慈廣大 展其效心 守誠信向 長齋思神 念善脩生 志度無窮 而精誠淺狹 未能自宣 靈文深奧 天尊遐邈 未敢自聞 今上吉良日 整身清齋 告祭五靈五老五帝 諸君丈人 上勞神光至真天尊 曲降卑賤 誠

### 太上洞玄靈寶五帝醮祭招真玉訣

清微藏書閣

慚誠懼 不敢自寧 不勝天光 遐照無細 緣茲上陳 其承先師舊典 以丹青告誓盟約 閉口奉修 不敢泄漏 五八乃宣 以定神契 五帝關聞 乞真符經圖 神靈侍衛 營護某身 登山涉嶺 出入林澗 所求所向 皆得如心 金石開通 神明契接 萬願咸從 採芝採藥 不得隱藏 山精伏匿 邪試不干 虎狼毒螫 令不加身 玉女神童 給使東西 五帝靈氣 降入其形 安鎮五腑 內外聰明 心開意通 逆知吉凶 三尸消滅 九蟲不生 身有奇毛 早得神仙 惟蒙至尊大帝 直垂慈恩 下流眾庶 賜如所陳 不勝洪澤 輒自效勤 臣某誠惶誠恐 稽首再拜 又三過上湯上酒 伏地 若私有所陳 自適意啟乙 啟願畢 上勞

東方靈威仰蒼帝君 青芽九氣天君 太上真王 青腰玉女 東鄉諸靈官 各還神房 便散香再拜

次上勞

南方赤熛弩赤帝君 朱丹三氣天君 元氣丈人 朱宮太丹玉女 南鄉諸靈官 各還神房 便散香再拜

次上勞

中央含樞紐黃帝君 太帝真人 子丹黃庭戊己 天倉玉女 中黃太  
帝官君 各還神房 便散香再拜

次上勞

西方曜魄寶白帝君 明石七氣天君 太上白素玉女 西鄉諸靈官  
各還神房 便散香再拜

次上勞

北方隱侯局黑帝君 玄滋五氣天君 太上靈君 夜光玉女 北鄉諸  
靈官 各還神房 便散香再拜

次上勞

九天眾靈 五嶽靈山真人 江河四瀆三官九府諸靈官 地仙玉女  
五嶽飛仙神仙諸仙官君 各還神房 便散香再拜

奉禮醮祭法事都畢 取簡隨方埋著五門下 眾真簡埋中央門下

右三年一醮 九年三醮 都止

道士張承先曰 受靈寶五老赤書二籙 杖策之日 宜即依法祭

醮 以招天真 幽映感降 在乎精誠 後則三年一請 祈于必通

### 太上洞玄靈寶五帝醮祭招真玉訣

清微藏書閣

今撰出立成 以為常儀 至學之士 勿虧之矣

太上洞玄靈寶五帝醮祭招真玉訣竟

天運壬辰年辰月正一天師清微弟子洪鼎堅羅大英恭錄彙編

鞠昕延複校